

Ժողովուրդ

182
(2662)

16 դեկտեմբերի ուրբաթ 2022
տպագրության ժԱ տարի

✉ ք. Երևան, Արմավյան 22ա/3 (0010)

☎ +374 10 546423

@ info.armlur@gmail.com, info.zhoghovurd@gmail.com

100 դրամ

ՆԻԿՈՒ ՓԱՇԻՆՅԱՆԸ ԽԱԲԵԼ Է ՄԱՍ 156




«Իմ հայտարարած բանաձեռով խաղաղության օրակարգն իրագործելու պատասխանատվություն եմ ստանձնում ես, ակնկալում եմ խորհրդարանական մեծամասնության և ժողովրդի աջակցությունը», - 2020 թվականի մայիսի 10-ին հայտարարել էր ՀՀ վարչապետ Նիկոլ Փաշինյանը: Նրա այս հայտարարության օրերին ել դրանից հետո էլ ակնհայտ էր, որ խաղաղության օրակարգ փաստացի գոյություն չունի: Դրա վառ ապացույցն այն հանգամանքն է նաև, որ Ադրբեջանն արդեն հինգ օր է՝ փակ է պահում Ստեփանակերտ-Գորիս ճանապարհը, որը կարող է հանգեցնել հումանիտար աղետի: Եվ չնայած մինչ այս Փաշինյանը խոսում էր խաղաղության մասին, սակայն արդեն երեկ՝ կառավարության նիստի ժամանակ, իր ելույթում մի քանի կետերով մեղադրեց Ադրբեջանական կողմին 2020 թվականի նոյեմբերի 9-ի եռակողմ հայտարարությունը խախտելու համար: Չնայած դրան՝ Նիկոլ Փաշինյանը ես մեկ անգամ հայտարարեց, թե պատրաստ է կատարել եռակողմ հայտարարության դրույթները: «Հայաստանի Հանրապետությունը պատրաստ է եռակողմ հայտարարության 9-րդ կետի դրույթների իրականացմանը, որը, հիշեցնեմ, տարածաշրջանի տնտեսական և տրանսպորտային կապերի ապաշրջափակման մասին է: Եռակողմ հայտարարությունն այս գործընթացում Հայաստանի Հանրապետության սուվերենության որեւէ սահմանափակում չի նախատեսում, եւ, հետեւաբար, Հայաստանը ցանկացած պահի պատրաստ է ճանապարհների վերաբացմանը, նոր ճանապարհների կառուցմանը, ինչպես նաև շահագործմանը, ինչպես նախատեսված է Հայաստանի Հանրապետության օրենսդրությամբ», - նշել էր նա: Այսինքն՝ նա ժողովրդին խոստացել էր խաղաղություն, սակայն չիրականացրեց դա՝ կրկին խաբելով ՀՀ հպարտ և արժանապատիվ քաղաքացիներին:

Ստեփանակերտ-Գորիս միջպետական մայրուղին փակ է արդեն 5 օր: Արցախը հումանիտար աղետի շեմին է: «Ժողովուրդ» օրաթերթը դիմել է ՀՀ Նախագահի աշխատակազմ փորձելով հասկանալ, թե ինչ է մտածում ստեղծված իրավիճակի վերաբերյալ Վահագն Խաչատրյանը: ՀՀ Նախագահի աշխատակազմի հասարակայնության հետ կապերի վարչությունից ստացել ենք պատասխան, որը ներկայացնում ենք ստորև. «Հանրապետության Նախագահի դիրքորոշումները կամ մոտեցումները որեւէ հարցի վերաբերյալ անհրաժեշտության դեպքում հրապարակվում են Նախագահի պաշտոնական կայքում եւ սոցիալական հարթակների պաշտոնական օգտահաշիվներում: Լաչինի հումանիտար միջանցքի անխափան գործունեությունը պետք է իրականացվի՝ համաձայն 2020 թվականի նոյեմբերի 9-ի եռակողմ հայտարարության: Միջանցքի ապաշրջափակումը եւ գազամատակարարման վերականգնումը կենսական անհրաժեշտություն է Արցախի բնակչության համար, որը կանգնած է հումանիտար լրջագույն ճգնաժամի վտանգի առաջ», - ասված է պատասխանում:



Արցախն Ադրբեջանի կողմից շրջափակման մեջ հայտնվելուց ի վեր միջազգային տարբեր կառույցների երեւանյան գրասենյակների, ինչպես նաև դեսպանատների առջև հանրահավաքներ են տեղի ունենում: Դրանց մասնակցում են ամենատարբեր կուսակցությունների, քաղաքական ուժերի ներկայացուցիչներ, պաշտոնյաներ, Արցախի մեր հայրենակիցները: «Ժողովուրդ» օրաթերթը նկատել է, որ իրագեկման կամ բողոքի հանրահավաքներին չեն մասնակցում «Ապրելու երկիր» կուսակցության անդամները: Արցախի պետնախարար Ռուբեն Վարդանյանի խորհրդական, «Ապրելու երկիր» կուսակցության համահիմնադիր Մեսրոպ Առաքելյանից հետաքրքրվեցինք՝ Արցախում կառավարական կաբինետի ղեկավարումը ստանձնելուց զատ, իրենց քաղաքական ուժն արդյոք նաեւ այս հարցում է կիսում արցախյան իշխանությունների քաղաքական բեռը, ու ինչով է բացատրում հանգամանքը, որ իրենց կուսակիցները հանրահավաքներին չեն մասնակցում: ««Ապրելու երկիր» կուսակցության ներկայացուցիչները Արցախի համար կազմակերպվող հանրահավաքներին մասնակցելիս չեն նշում, որ կուսակցական են: Կուսակցության անդամները եւ՛ երեկ, եւ՛ դրա առաջին օրը բողոքի բոլոր միջոցառումներին մասնակցել են, բայց այդ մասնակցությանը կուսակցական երանգ տալու անհրաժեշտություն չկա: Այսինքն՝ մասնակցում ենք, բայց չենք նշում, որ կուսակցությունը ներկա է եղել», - մեզ հետ զրույցում ասաց Առաքելյանն ու ավելացրեց, որ այս հարցի շրջանակներում կուսակցական գործունեություն ծավալելը ոչ արդյունավետ է, ոչ էլ ճիշտ: Իսկ ի՞նչ արդյունավետություն ունի ծայրված մասնակցությունը:



Արդեն հինգերորդ օրն է, ինչ ՀՀ փոխվարչապետ Համբարձում Մաթեոսյանն աշխատանքից ազատման դիմում է ներկայացրել, սակայն մինչև այսօր նրան փոխարինող չի նշանակվել, այնինչ կրթության, գիտության, մշակույթի եւ սպորտի նախարար արդեն նշանակվել է ժաննա Անդրեասյանը: «Ժողովուրդ» օրաթերթը ԶՊ-ական իր աղբյուրներից տեղեկացավ, որ ՀՀ վարչապետ Նիկոլ Փաշինյանը փոխվարչապետի թեկնածուի հարցում երկընտրանքի եւ փնտրտուքների մեջ է: Բանն այն է, որ այս ընթացքում ամեն ինչ արվում է, որպեսզի փոխվարչապետի պաշտոնում նշանակվի ՀՀ կառավարության աշխատակազմի ղեկավար Արայիկ Հարությունյանը: Նրա նշանակումն ուշանում է, քանի որ Նիկոլ Փաշինյանը դեռ հստակ որոշում չունի: Այս հանգամանքն էլ իր պատճառներն ունի: ԶՊ-ական մեր աղբյուրները հայտնում են, որ երկընտրանքի պատճառն այն դժգոհություններն են եղել, որոնք առկա են ԶՊ վարչության անդամների կողմից Արայիկ Հարությունյանի վերաբերյալ: Նա կտրվել է իրականությունից, նախկին ընկերների վերից է նայում եւ, գումարած դրան, վատ կառավարիչ է: Փոխվարչապետի փնտրտուքները դեռ շարունակվում են...



ՔԱՂԱՔԱԿԱՆ

ԲԱՆԱԿՑՈՒԹՅՈՒՆՆԵՐ

ՊԵՏՔ Է ԽԱՌՆՎԻ ԵՄ-Ն

Գեկեմբերի 11-ից ֆաղափառական հագուստով մի խումբ ադրբեջանցիներ, ներկայացնելով որդես բնադահողան ակտիվիստներ, ժամու բնադահողան կան մահադատությունների դատարանում փակել են Արցախը Հայաստանի և առաջին հերթին կառող միակ ճանապարհը՝ Լաչինի միջանցքը: Այս ընթացքում դատարանում և Ադրբեջանի Լաչինի միջանցքը բացելու կոչեր և հայտարարություններ են արձակվել: Երկրի և կազմակերպությունների կողմից:

ArmLur.am-ը Լաչինի միջանցքում տիրող իրավիճակի վերաբերյալ գրուցել է նաև ՆԱՏՕ-ի խորհրդարանական վեհաժողովում Լյուքսեմբուրգի ներկայացուցիչ, պատգամավոր Սվեն Կլեմենտի հետ: «Պարոն Կլեմենտ, արդեն չորրորդ օրն է՝ Ստեփանակերտ-Գորիս ճանապարհը փակ է, Արցախը կանգնած է հումանիտար աղետի շեմին: Նախ՝ Ձեր տեսակետը՝ տիրող իրավիճակի վերաբերյալ:

«Իրավիճակը դառնում է ավելի ու ավելի անկայուն, քանի որ, ըստ հարողորագրությունների, տարածաշրջանում բազմաթիվ ակտիվ դերակատարներ կան: ԵՄ-ն կոչ է արել Ադրբեջանի իշխանություններին ապահովել անվտանգ անցում միջանցքով, սակայն կոնֆլիկտների ժամանակ անվտանգությունը հարաբերական է, երբ բազմաթիվ դերակատարներ ունեն բազմաթիվ շահեր, և դրանք բախվում են՝ մտահոգվելով, որ ռուսները վերահսկում են անցումը և անգամ պատրաստ են ուժով պաշտպանել իրենց շահերը: Դա կարելի է: Այս իրավիճակներում կարելի է միայն բանականության կոչ անել:

«Դուք ինչպե՞ս եք տեսնում հարցի կարգավորումը:

«Բնականաբար, 2020 թվականի նոյեմբերի 9-ի՝ կրակի դադարեցման մասին հայտարարությունը պետք է պահպանվի, և կողմերը հետևեն դրան: Ես նույնպես կոչ եմ անում հետևել կրակի դադարեցման մասին պայմանավորվածությանը: Ծանապարհները պետք է բաց մնան, որպեսզի պահեն կայր երկու կողմերի միջև: Այդպես 3+3-ը լավ ֆորմատ է: Եթե կարող էր լինել, սակայն մասամբ արդյունավետ էր, քանի որ Վրաստանը հարգելի



կայատնաներով իրաժարվեց մասնակցել այդ ֆորմատին: Այդպիսի ձեռագրերը կարողանում են համախմբել տարածաշրջանի տարբեր երկրներին և բանակցությունների միջոցով հնարավորություն են ստեղծում հասնել մի կետի, որտեղ հարեան երկրներն ունենում են ընդհանուր կետեր: ՄԱԿ-ի խաղաղապահների տեղակայման հարցը նույնպես պետք է դիտարկվի և ներառվի ՄԱԿ ԳԱ-ի և ՄԱԿ-ի ԱՆ-ի օրակարգում:

«Միջազգային հանրությունն այնքան էլ ակտիվ չէ, որ դատապարտող հայտարարություններ տեսանք Լաչինի միջանցքը փակվելուց մի քանի օր անց միայն: Ինչո՞ւ է աշխարհը լուռ:

«Վստահաբար կարող եմ ասել, որ եվրոպական երկրներն ու ԵՄ ինստիտուտներն ավելի ակտիվ էին 2020 թվականին, երբ սկսվեց դարաբաղյան երկրորդ պատերազմը: Ինձ թվում է՝ Ուկրաինայի կոնֆլիկտով պայմանավորված է այս պահվածությունը: Ներկայումս ԵՄ-ն ապահովում է իր էներգետիկ պաշարները և անում է ամեն ինչ, որպեսզի աջակցի Ուկրաինային ՌԴ-ի դեմ պայքարում: Իհարկե, դա արդարացի է, քանի որ ԵՄ-ն կարող է որոշակի դեր խաղալ տարածաշրջանում և այդ պատճառով պետք է խառնվի, երբ կոնֆլիկտները ստեղծվում կան կրկնվում են: Այդ պատճառով ես կարող եմ միայն հույս ունենալ, որ ԵՄ նախագահ Շառլ Միշելը և տարբեր երկրների ղեկավարները, ինչպիսին, օրինակ, Ֆրանսիայի նախագահ Էմանուել Մակրոնն է, ժամանակ կգտնեն, որպեսզի Ադրբեջանին վերադարձնեն իր ուղու վրա: Մենք՝ որպես խորհրդարանականներ, պետք է բարձրացնենք այդ հարցը ինչպես խորհրդարանում, այնպես էլ դրանից դուրս՝ այլ խորհրդարանականների և միջազգային ներկայացուցիչների հետ հանդիպումների ժամանակ: Որքան ավելի շատ ուշադրություն լինի այս թեմային, այնքան ավելի լավ:

Ջրուցեց ՆԱԻՐԱ ՂՈՎՅԱՆՆԻՍՅԱՆԸ



ՀԻՄՆԱԲԵՆ Է ՀԱՆԵԼ

«Ժողովուրդ» օրաթերթի տեղեկությունների համաձայն, ՀՀ կրթության, գիտության, մշակույթի ու սպորտի նորանշանակ նախարարը իրահանգել է դպրոցներում արգելել բոլոր տեսակի ռազմահայրենասիրական պարասյուններն ու կրթադաստիարակչական միջոցառումները: «Ժողովուրդ» օրաթերթի ձեռքի տակ մի շրջաբերական է հայտնվել, որտեղ տիկին նախարարը Երեւանի փոխքաղաքապետին ու ՀՀ բոլոր մարզպետարանների գլխավոր քարտուղարներին իրահանգել է իջեցրել խուսափել դպրոցների ռազմականացումից:

Ավելի պարզ ասած՝ դա նշանակում է իրաժարվել համագործակցել ռազմական այնպիսի կազմակերպությունների հետ, ինչպիսիք են «Կոմանդոս ռազմամարզական ակումբը», «Ջարկ» ծրագիրը, «Փոքր Սիերը», ՈՄԱ (Ողջ մնալու արվեստը) ռամհայրենասիրական հասարակական կազմակերպությունը և այլն: «Ժողովուրդ» օրաթերթը տեղեկացավ, որ ժամանակակից վերոնշյալ շրջաբերականը դեռ փոխանախարար եղած ժամանակ է ստորագրել: Ի՞նչ է ստացվում. դպրոցներում, փաստորեն, բացի «Նախնական գիմնազիական պատրաստվածություն» (ՆՁՊ) առարկայից, դպրոցականները ռազմահայրենասիրական այլ ծրագրերի ու դասընթացների այլևս չեն կարող մասնակցել: Սա, փաստացի, կառավարող ուժի գործելաոճն ու ձեռագիրն է՝ ինչքան հեռու հայրենասիրությունից, այնքան ավելի լավ: Փաստորեն, դեռ պետք է շնորհակալ լինենք, որ տիկին նախարարուհին չի որոշել ՆՁՊ առարկան հանել առարկայացանկից. նրա նախորդներն, ի դեպ, 2018-ի քաղաքական վերադասավորումներից հետո նման մտադրություն ունեին, հանրային ճնշման ներքո, սակայն, այդ գաղափարից, փառք Աստծո, իրաժարվեցին:

ՄՏԱՆ ՀԻՄՆԱԲԵՆԵՐ

Պետական վերահսկողական ծառայությունն այս անգամ էլ որոշել է ուսումնասիրություն իրականացնել պետության կողմից երաշխավորված անվճար և արտոնյալ պայմաններում բժշկական օգնություն և սպասարկում իրականացնող 10 խոշորագույն բժշկական հաստատություններում, ինչպես նաև մի շարք տեղական ինքնակառավարման մարմիններում և Հայփոստում: Իրավիճակն իսկապես ուշագրավ է, քանի որ վերջին օրերին Պետական վերահսկողական ծառայության կողմից անսահմանափակ ակտիվություն է նկատվում, և օրեցօր ավելանում են այն գերատեսչությունները, որտեղ այս կառույցը որոշել է ստուգումներ իրականացնել: Իհարկե, տարեվերջ է, և Պետական վերահսկողական ծառայության ակտիվությունը կարելի է նաև այդ հանգամանքով բացատրել, սակայն, այս ամենից գատ, շատ կարելի է ամառից հետո արդյունքները, թե, ի վերջո, ինչ բացահայտումներ կլինեն այդ ստուգումների արդյունքում:

ՀՐԱՏԱՊ ԳՐՈՒԹՅՈՒՆ

ԱՐՑԱԽԵԸ ԱՐԳԵԼԱՓԱԿՎԱԾ Է

«ԱՐՑԱԽԻՄ ՀՈՒՄԱՆԻՏԱՐ ԸՔՆՆԺՄԸ Է. հրատալ գրություններ են հասցեագրել ՄԱԿ-ի, ԵՄ-ի, ԵԱՀԿ-ի համադատաստան մարմիններին»,- այս մասին հաղորդագրություն է արձակել ԱԺ մարդու իրավունքների դաշտայնության և հանրային հարցերի մեքական հանձնաժողովի նախագահ, անկուսակցական Թագուհի Թովմայանը:



քանզի Ադրբեջանը շրջափակել է Արցախը,

- սննդամթերքի, դեղորայքի մատակարարումը դարձել է անհնարին,
- բազմաթիվ կանայք, երեխաներ, ծերեր ստիպված են եղել գիշերել դրսում՝ ցուրտ ձմռան պայմաններում, որն ակտիվատրել է,

• աշխատանքի մեկնած հարյուրավոր մարդիկ գրկվել են ազատ տեղաշարժի իրավունքից և չեն կարողանում տուն վերադառնալ...

Միջազգային գործընկերների ուշադրությունն են հրավիրել, որ ցուրտ ձմռան պայմաններում Ադրբեջանը կասեցրել է զազամատակարարումը Արցախին, որը հումանիտար և տնտեսական ահաբեկչություն է, որը հետևողականորեն կյանքի է կոչվում Արցախի խաղաղ բնակչության նկատմամբ:

Նաև ընդգծել են միջազգային կառույցների հրատալ քայլերի անհրաժեշտությունը՝ Արցախի ապաշրջափակման ուղղությամբ, որպեսզի Ադրբեջանի այս անմարդկային վարքագծի հետևանքով շրջափակված Արցախի ավելի քան 120000 քաղաքացիներ կարողանան իրացնել իրենց համընդհանուր իրավունքները: Արցախում իրավիճակը ծայրահեղ է: Անհրաժեշտ են հրատալ քայլեր՝ ի պաշտպանություն Արցախի խաղաղ բնակչության կյանքի իրավունքի»:

ԻՐԱՎԻՃԱԿ

ՇՐՋԱՓՈՎԿՈՒՄ

ԱՇԽԱՐՀԻ ԱՐՉԱԳԱՆՔԸ

ՌՈՒՍԱԿԱՆ ԿՈՂՄՆ ԱՇԽԱՏՈՒՄ Է

Ղեկտեմբերի 11-ից քաղաքացիական հազուստով մի խումբ ադրբեջանցիներ, ներկայանալով որպես բնապահպան ակտիվիստներ, շինծու բնապահպանական մտահոգությունների պատրվակով փակել են Արցախը Յայաստանի եւ աշխարհի հետ կապող միակ ճանապարհը՝ Լաչինի միջանցքը: Այս ընթացքում դատապարտող եւ Ադրբեջանին Լաչինի միջանցքը բացելու կոչեր եւ հայտարարություններ հնչեցին տարբեր երկրների կողմից, սակայն, օրինակ, Ռուսաստանի Ռաշնությունը, որը խաղաղապահ առաքելություն է իրականացնում հենց այդ սահմանին, մինչ երեկ լուռ էր: Միայն Նախօրեին Ռուսաստանի Ռաշնության արտաքին գործերի նախարարության մամուլի խոսնակ Սարիա Զախարովան հայտարարեց, թե Ռուսաստանը մտահոգված է Լաչինի միջանցքի փակմամբ, ակնկալում է մոտ ապագայում տրանսպորտային կապի լիարժեք վերականգնում:

ArmLur.am-ի հետ զրույցում ռուս քաղաքագետ Ալեքսանդր Սկակովը նշում է, թե այս հարցի կարգավորումը հայտարարությունների տիրույթում չէ, եւ հետեւաբար ՌԴ-ի կողմից մինչեւ այս արձագանք չէր եղել: «Այստեղ հայտարարություններով հարց չեն լուծում: Եղան հայտարարություններ ԱՄՆ-ի ու Ֆրանսիայի կողմից, բայց դրանից հետո ինչ-որ բան փոխվեց. ո՛չ, քանի որ հարցի կարգավորումը գտնվում է բանակցությունների տիրույթում Մոսկվայի եւ Բաքվի միջև, եւ նրանք այս ընթացքում այդ բանակցություններն իրականացրել են», - նշեց նա:

Ռուս քաղաքագետը չի զարմանում մեզ մոտ առկա հակառուսական տրամադրություններից՝ ասելով, թե դա նորություն է Յայաստանի պարագայում: «Խաղաղապահները պետք է զուսպ վարք դրսևորեն, չտրվեն սադրանքների, քանի որ հետեւանքները կարող էին տարբեր լինել: Ադրբեջանն այսպես նաեւ նպատակ ունի ազդել ռուս խաղաղապահների իմիջի վրա եւ տպավորություն ստեղծել, թե այնտեղ խաղաղապահներ պետք չեն, եւ հարց կառաջարկ նրանց այնտեղից ժամանակից շուտ դուրս բերելու, ինչը, չեն կարծում, թե հայկական կողմի հետաքրքրությունների տիրույթում է: Պատկերացրեք, թե այդ դեպքում ինչ կլինի», - նշեց նա:

Նա նկատում է՝ Ադրբեջանում շատ լավ հասկանում են, որ այժմ Ռուսաստանի Ռաշնության հետաքրքրությունների տիրույթում ավելի շատ Ուկրաինան է: «Ռուսաստանը վստահաբար աշխատում է, անում իր գործը, խաղաղապահները եւս, եւ պետք է թույլ չտալ, որ հետագա իրավիճակը սրվի: Ադրբեջանն օգտագործում է այն փաստը, որ Ռուսաստանը գերզբաղված է Ուկրաինայի շուրջ իրավիճակով, եւ դա հավելյալ խթան է Բաքվի համար ՌԴ-ի հարցում իր գործողությունները սրացնելու համար: Վստահ եղեք, որ բանակցությունները ընթանում են, եւ պետք է հասնել նրան, որ իրավիճակն ավելի չվատանա», - հավելեց նա:

Ադրբեջանի 5-րդ օրն է, ինչ Ադրբեջանը փակ է դրած Արցախը ոչ միայն Հայաստանին, այլ նաեւ աշխարհին կապող հաղորդակցային միակ հանգույցը՝ Բերձորի միջանցքը: Այս օրերի ընթացքում աշխարհի սարքեր երկրներ ու կազմակերպություններ Ադրբեջանին հորդորել են անհաղաղ բացել միջանցքն ու ադախովել արցախցիների բնականոն ճեղաքարը:

Ղեկտեմբերի 14-ին Կանադայի արտաքին գործերի նախարարությունն էր հաղորդագրություն տարածել՝ նշելով. «Կանադան ուշադրությամբ հետեւում է Լաչինի միջանցքի փակմանը եւ դրան հաջորդող զարգացումներին»:

«Մենք կոչ ենք անում Ադրբեջանի իշխանություններին վերաբացել միջանցքը եւ ապահովել ազատ տեղաշարժը՝ խուսափելու հնարավոր հումանիտար աղետից», - Twitter-ի էջում նման գրառում էին արել Կանադայի արտաքին գործերի նախարարության ներկայացուցիչները:

Միացյալ թագավորության Եվրոպայի հարցերով դեսպան Լեո Ռոբերթին էլ Նորից Twitter-ի էջում գրել էր. «Լաչինի միջանցքի փակումը եւ ձմռանը գազամատակարարման խաթարումը լուրջ հումանիտար հետեւանքների վտանգ է պարունակում: ՄԹ-ն հույս ունի, որ եւ՝ Ադրբեջանը, եւ՝ Յայաստանը կկատարեն հրադարի շուրջ ստանձնած բոլոր պարտավորությունները: Տեսական կարգավորմանը հնարավոր է հասնել միայն խաղաղ, դիվանագիտական ճանապարհով»:

ԱՄՆ պետքարտուղարության խոսնակ Նեդ Փրայսն էլ Բաքվին կոչ է արել վերականգնել արցախցիների ազատ տեղաշարժն ու հավելել. «Լաչինի միջանցքի փակումը լուրջ մարդասիրական հետեւանքներ ունի եւ հետ է մղում խաղաղության գործընթացը: Կոչ ենք անում Ադրբեջանի կառավարությանը վերականգնել ազատ տեղաշարժը: Առաջ գնալու ճանապարհը բանակցություններն են»:

Ադրբեջանի խանություններին կոչով դիմել է նաեւ ԵՄ արտաքին գործերի ու անվտանգության քաղաքականության հարցերով բարձր ներկայացուցչի խոսնակ Պետեր Ստանոն՝ ընդգծելով, որ



պետք է ապահովել միջանցքով տեղաշարժի ազատությունն ու անվտանգությունը՝ համաձայն 2020 թվականի նոյեմբերի 9-ի եռակողմ հայտարարության: «Հորդորում եմ հարցերը լուծել երկխոսության եւ խորհրդակցությունների միջոցով», - նշել է ԵՄ պաշտոնյան:

Առավել խիստ ու հասցեական էր Ֆրանսիայի կոչ-հորդորը: Պաշտոնական Փարիզը Բաքվին հորդորում է առանց որեւէ նախապայմանի վերականգնել Լաչինի միջանցքով երթեւեկությունը: Ադրբեջանը, հիշեցնում է Ֆրանսիական կողմը, պարտավորվել է երաշխավորել Լաչինի միջանցքով երկու ուղղություններով մարդկանց, տրանսպորտի եւ ապրանքների տեղաշարժի անվտանգությունը:

տանգությունը: Ինչ վերաբերում է Ռուսաստանին, որի խաղաղապահ զորախումբն է իրականացնում Լաչինի միջանցքի անվտանգությունը, ապա պաշտոնական Մոսկվան արդեն քանի օր շարունակ միայն պաշտպանական գերատեսչության մակարդակով է խոսում՝ ընդգծելով, որ ադրբեջանական կողմի հետ բանակցությունները շարունակվում են: Այս ամենին զուգահեռ՝ Նիդերլանդների խորհրդարանն ընդունել է Ադրբեջանի կողմից Լաչինի միջանցքը փակելու մասին բանաձեռ: Իր հերթին Յայաստանն էլ դիմել է ՄԻԵԴ՝ պահանջելով միջանկյալ միջոցներ կիրառել Ադրբեջանի նկատմամբ:

ՍԵՎԱԿ ՎՈՐՈՒՄՅԱՆ

ՕՐՎԱ ԽՃԱՆԿԱՐ

ՓԱՇԻՆՅԱՆԻ ԳԻՐԱՌՈՒՄԸ

ՀՀ վարչապետ Նիկոլ Փաշինյանը Լաչինի միջանցքի փակման վերաբերյալ 2 գրառում է կատարել իր սոցիալական միկրոբլոգում:

«Լաչինի միջանցքի փակումը Ադրբեջանի կողմից 2020 թ. նոյեմբերի 9-ի եռակողմ հայտարարության կոպիտ խախտում է, քանի որ, ըստ հայտարարության 6-րդ կետի, միջանցքը գտնվում է Ռուսաստանի Ռաշնության խաղաղապահների վերահսկողության տակ, եւ Ադրբեջանը պետք է երաշխավորի քաղաքացիների, տրանսպորտի եւ ապրանքների տեղաշարժի անվտանգությունը», - գրել է վարչապետը:

Երկրորդ գրառման մեջ նա նշել է. «Ադրբեջանի կողմից Լաչինի միջանցքի փակման եւ գազի մատակարարման դադարեցման հետեւանքով Լեռնային Ղարաբաղում 120 հազար մարդ հայտնվել է պատանդի կարգավիճակում: Դպրոցներն ու մանկապարտեզները ստիպված են դա-

դարեցնել աշխատանքը. 22 հազար երեխա գրկված է կրթության իրավունքից»:

ՄԻՊ-Ը ԸՆԴՈՒՆԵԼ Է

ՀՀ մարդու իրավունքների պաշտպան Քրիստինե Գրիգորյանը ղեկտեմբերի 14-ին ընդունել է ՀՀ ԱԳՆ-ի կողմից կազմակերպված «Ընդդեմ ցեղասպանության հանցագործության» 4-րդ գլոբալ ֆորումի մասնակիցներ ՄԱԿ-ի հատուկ զեկուցող Ֆաբիան Սալվիոլիին եւ ՄԱԿ-ի անկախ հետաքննության մեխանիզմի ղեկավար Նիքոլաս Կոմժյանին: Ղեկտեմբերի 14-ի հանդիպման ընթացքում Պաշտպանը եւ ֆորումի մասնակիցներն անդրադարձել են ցեղասպանության կանխարգելման գործում նոր տեխնոլոգիաների կիրառման մարտահրավերներին, հնարավորություններին եւ հեռանկարներին: Քրիստինե Գրիգորյանը կարեւորել է, որ միջազգային կազմակերպությունները չանտեսեն ցեղասպանական քաղաքականության նմանատիպ վաղ ազդակները, ինչը

կլինի արդյունավետ կանխարգելման լավ միջոց: Հանդիպման ընթացքում Քրիստինե Գրիգորյանը պատասխանել է հյուրերի հարցերին, մասնավորապես՝ ներկայացրել ՄԻՊ մանդատը, գործառնությունները, խոսել աշխատակազմի կատարած աշխատանքների մասին:

ՊԵՆԻՆԸ ՀՈՒՅՍ ՈՒՆԻ

Պեկինը հույս ունի, որ Յայաստանն ու Ադրբեջանը երկխոսության միջոցով համատեղ կաջակցեն տարածաշրջանային խաղաղությանն ու կայունությանը. այս մասին հայտարարել է Չինաստանի ԱԳՆ պաշտոնական ներկայացուցիչ Վան Վենբինը՝ ՏԱՍՍ-ի թղթակցի խնդրանքով մեկնաբանելով Լաչինի միջանցքի շուրջ ստեղծված իրավիճակը: «Մենք հույս ունենք, որ երկու երկրները կամրապնդեն երկխոսությունը, ինչպես նաեւ համատեղ կաջակցեն տարածաշրջանային խաղաղությանը, կայունությանը եւ քաղաքացիների խաղաղ կյանքին», - ասել է Վենբինը:

Ն.Գ.

ԽԱՐՈՎԽՈՒԹՅՈՒՆ

ՀԵՏԱՊՆԴՈՒՄ Է ՀԱՐՈՒՑՎԵԼ

Հ.Պ.-ն, 2012-2016 թվականներին գրադեցնելով ՀՀ սեփականության ղեկավարի դասերը, օժանդակել է «Սոխտենթ» ՍՊ ընկերության հիմնադիրներին և սեփականության ղեկավարին համապատասխան համապատասխան «Երեանի Պ. Չայկովսկու անվան միջնակարգ երաժշտական դպրոց» ՊՈԱԿ-ին անհատուց օգտագործման իրավունքով սրամարդված հողամասից առանձնացված 300 քմ մակերեսով հողամասը: Արդյունքում դեռևս պահպանվել է առանձնապես խոշոր չափի՝ 100 մլն դրամի գույքային վնաս:



դատարանը ոչ ոսումնական նպատակով օգտագործելու է դրա վրա բազմաֆունկցիոնալ շենք կառուցելու իրական մտադրության մասին, չի առարկել ներկայացված ներդրումային ծրագրի դեմ: Ծրագրին հավանություն է տվել նաև «Երեանի Պ. Չայկովսկու անվան միջնակարգ երաժշտական դպրոց» ՊՈԱԿ-ի տնօրենը, որն Ոսկերության տնօրեն Ն.Կ.-ի եղբայրն է: Հ.Պ.-ն, իր ծառայողական լիազորություններն ի վնաս պետական շահերի օգտագործելով, 2012 թվականի դեկտեմբերի 13-ին Ոսկերության հետ կնքել է «Գույքի օտարման և գրավի» ու «Գլխավոր կապալի» պայմանագրեր, որոնցում դիտարկությանը չի ներառել Կառավարության որոշմամբ սահմանված պարտավորություններից «Գրքի աշխարհ» բազմաֆունկցիոնալ համալիր կառուցելու պարտավորության կատարումը («Գրքի աշխարհ» բազմաֆունկցիոնալ համալիրը, ըստ ներդրումային ծրագրի՝ պետք է արժենար 800 մլն դրամ): Այդ կերպ ՀՀ մշակույթի նախկին նախարար Հ.Պ.-ն, խոչընդոտելով վերացնելով, Ոսկերությանը հնարավորություն է տվել, առանց նշված պարտավորության կատարման, իր սեփականության իրավունքը գրանցել Երեան քաղաքի Կողբացի 36 հասցեում գտնվող հողամասից առանձնացված 300 քմ մակերեսով հողամասի նկատմամբ: Այսուհետև ՀՀ մշակույթի նախկին նախարարը երկու նախագիծ է ներկայացրել Կառավարության, որոնցով առաջարկել է կատարել փոփոխություն արդեն իսկ առկա որոշման մեջ, այն է՝ կատարել

դպրոցի շենքի կապիտալ վերանորոգում տեղեկացված լինելով, որ այն իրականացվում է «Հայաստան» համահայկական հիմնադրամի ծրագրով: Մեկ այլ փոփոխության մասին, «Երեանի Պ. Չայկովսկու անվան միջնակարգ երաժշտական դպրոց» ՊՈԱԿ-ի տնօրենի միջնորդության հիման վրա, առաջարկվել է դպրոցին երաժշտական գործիքներ տրամադրել՝ դպրոցի մարզադահլիճի և այլ հատվածների հիմնանորոգման փոխարեն: Արդյունքում արձանագրվել է, որ Ոսկերությունը կատարել է Կառավարության որոշմամբ սահմանված՝ կառուցատան կառուցման և երաժշտական գործիքների տրամադրման պարտավորությունները, որպիսի պայմաններում Երեանի Ե. Կողբացի 36 հասցեում գտնվող հողամասից առանձնացված 300 քմ մակերեսով հողամասը խարդախությամբ հափշտակվել է պետությանը պատճառելով առանձնապես խոշոր չափերի՝ 100 մլն դրամի գույքային վնաս: Հսկող դատախազը 2022 թվականի դեկտեմբերի 13-ին ՀՀ մշակույթի նախկին նախարար Հ.Պ.-ի նկատմամբ հարուցել է հանրային քրեական հետապնդում: Դատախազը որոշում է կայացրել նաև պետական սեփականություն հանդիսացող գույքը խաբույթով հափշտակելու հանդեպ վտանգավոր արարքի կատարման համար հանրային քրեական հետապնդումներ հարուցել Հ.Պ.-ի, Ն.Կ.-ի, «Երեանի Պ. Չայկովսկու անվան միջնակարգ երաժշտական դպրոց» ՊՈԱԿ-ի նախկին տնօրեն Մ.Կ.-ի, վերջինիս եղբայր Ն.Կ.-ի նկատմամբ:

ԼՈՒՐԵՐ

ՀՐԱԺԱՐԱԿԱՆԻ ԳԻՄՈՒՄ

ArmLur.am-ին մանրամասներ են հայտնի դարձել, թե ինչու է աշխատանքից ազատվել ԲԴԽ արդեն նախկին անդամ Ստեփան Միքայելյանը: Մասնավորապես, նա ասել է, որ 3 ամսից լրանում է իր պաշտոնավարման ժամկետը, և ինքը գնալու է թոշակի, ուստի այս երեք ամիսների ընթացքում պետք է հասցնի ՀՀ վճարակ դատարանի գործերը ավարտին հասցնել և ինչպես է ազատել իրեն ԲԴԽ անդամի պաշտոնից: Նա մասնավորապես ցանկանում է իրականացնել միայն իր՝ դատավորի պարտականությունները և գնալ թոշակի:

Նշենք, որ ԲԴԽ անդամ Ստեփան Միքայելյանը հրաժարականի դիմում է ներկայացրել. տեղեկությունը Radar Armenia-ի հետ զրույցում հաստատել էր նաև Բարձրագույն դատական խորհրդի մամուլի ծառայության պետի պաշտոնակատար Լիլիթ Շաբոյանը՝ Նշելով, որ նրա լիազորությունները դադարել են:

Հիշեցնենք՝ Միքայելյանը ԲԴԽ նախկին նախագահներ Ռուբեն Վարդապետյանի և Գագիկ Ջահանգիրյանի հայտնի հանդիպման մասնակիցն է եղել: Ավելի վաղ ArmLur.am-ը գրել է, որ ԲԴԽ-ում հրաժարականների շքերթ է սպասվում:

ԻՆՔԵՍՍՊԻՐԱՆԻԹՅԱՆ ՓՈՐՁ

ArmLur.am-ին հայտնի դարձավ, որ Արմույան քաղաքում տատին խեղդամահ անելով սպանած 25-ամյա երիտասարդը ինքնասպանության փորձ է կատարել: Իրավապահները նրան հայտնաբերել են այն պահին, երբ նա, սավանները կապկպելով, փորձել է վերջ տալ կյանքին, սակայն կանխել են նրա գործողությունները: Մեզ հայտնի դարձավ, որ նրա նկատմամբ խափանման միջոց է ընտրվել կալանավորումը:

Հիշեցնենք, որ 2022թ. դեկտեմբերի 12-ին՝ ժամը 09:10-ին, «Արմույանի բժշկական կենտրոն» ՓԲԸ-ի շտապօգնությունից ՀՀ ոստիկանության Կոտայքի բաժին հաղորդում է ստացվել այն մասին, որ Արմույան քաղաքի Կոտայքի փողոցի տներից մեկում սպանություն է տեղի ունեցել:

Քննչական կոմիտեի հաղորդմամբ՝ տվյալներ են ստացվել, որ սպանությունը՝ ննջասենյակում խեղդելու միջոցով, կարող է կատարված լինել Արմույան քաղաքի 25-ամյա բնակչի կողմից:

Դեպքի առթիվ 2022թ. դեկտեմբերի 12-ին ՀՀ քննչական կոմիտեի Կոտայքի մարզային քննչական վարչության Արմույանի քննչական բաժնում, ՀՀ քրեական օրենսգրքի 155-րդ հոդվածի 1-ին մասով, նախաձեռնվել է քրեական վարույթ:

ՔՆԱՐ ՄԱՆՈՒԿՅԱՆ

ԲԱՅԱՐԱՅՏՈՒՄ

ԿԱՇԱՌՔ ՍՏԱՆԱԼՈՒ ԳԵՊՔ

ՀՀ ազգային անվանական ծառայության Երեանի բաղադրյալ վարչությունում ստացված օպերատիվ սվալների իրացման արդյունքում դարձվել է, որ ՀՀ քննչական կոմիտեի Երեան բաղադրյալ վարչության Կողբացի 36 հասցեում գտնվող հողամասից առանձնացված 300 քմ մակերեսով հողամասը խարդախությամբ հափշտակվել է պետությանը պատճառելով առանձնապես խոշոր չափերի՝ 100 մլն դրամի գույքային վնաս: Հսկող դատախազը 2022 թվականի դեկտեմբերի 13-ին ՀՀ մշակույթի նախկին նախարար Հ.Պ.-ի նկատմամբ հարուցել է հանրային քրեական հետապնդում: Դատախազը որոշում է կայացրել նաև պետական սեփականություն հանդիսացող գույքը խաբույթով հափշտակելու հանդեպ վտանգավոր արարքի կատարման համար հանրային քրեական հետապնդումներ հարուցել Հ.Պ.-ի, Ն.Կ.-ի, «Երեանի Պ. Չայկովսկու անվան միջնակարգ երաժշտական դպրոց» ՊՈԱԿ-ի նախկին տնօրեն Մ.Կ.-ի, վերջինիս եղբայր Ն.Կ.-ի նկատմամբ:

մար բաղադրյալ 2022 թվականի նոյեմբերի 1-ին դառնալով է 5.000.000 ՀՀ դրամ կաշառք:

Վերջինիս մայրը, չունենալով համապատասխան ֆինանսական միջոցներ, իր ծանոթներից պարտքով վերցնելով 1.000.000 ՀՀ դրամ գումար, 2022 թվականի նոյեմբերի 4-ին Երեան քաղաքի Կոմիտասի պողոտայի 29 հասցեում գործող «KFC» արագ սննդի կետի հետևանքում գտնվող այգում այն անձամբ փոխանցել է քննիչին, այնուհետև 2022 թվականի նոյեմբերի 11-ին, որպես վարկային միջոց ստանալով 1.000.000 ՀՀ դրամ գումար, նույն օրը Երեան քաղաքի վերոնշյալ վայրում այն անձամբ կրկին տվել է հիշյալ քննիչին՝ որդու օգտին իր լիազորությունների սահմաններում գործողություններ չկատարելու համար, իսկ պահանջված կաշառքի մնացած 3.000.000 ՀՀ դրամը պայմանավորվել են փոխանցել մինչև 2022 թվականի դեկտեմբերի 16-ը:

Դեպքի առթիվ 2022 թվականի դեկտեմբերի 9-ին ՀՀ ազգային անվտանգության ծառայության քննչական դեպարտամենտում ՀՀ քրեական օրենսգրքի համապատասխան հոդվածով նախաձեռնվել է քրեական վարույթ:

2022 թվականի դեկտեմբերի 13-ին գաղտնի քննչական գործողություն կատարելու արդյունքում նախապես քիմիական համապատասխան միջոցներով մշակված 2.000.000 ՀՀ դրամ գումարը, որպես պահանջված կաշառքի մաս, Երեան քաղաքի կրկին նույն վայրում քաղաքացին անձամբ փոխանցել է քննիչին, որից հետո վերջինս ՀՀ ԱԱԾ աշխատակիցների կողմից ձերբակալվել է և ներկայացրել ստացված 2.000.000 ՀՀ դրամ կաշառք գումարը:

Ա.Լ.-ի նկատմամբ որպես խափանման միջոց կալանք կիրառելու միջնորդություն է ներկայացվել դատարան, որը բավարարվել է: Նախաքննությունը շարունակվում է:

● Ըստ ոստիկանության տվյալների՝ դեկտեմբերի 14-ից 15-ը Հայաստանի Հանրապետությունում բացահայտվել է հանցագործության 48 դեպք, որոնցից 1-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՓՈԽԸՄԲՈՆՄԱՆ ՀՈՒՇԱԳԻՐ

Հայաստանի Հանրապետության և Արաբական Միացյալ Էմիրությունների կառավարությունների միջև փոխըմբռնման հուշագիր է ստորագրվել, որով կանոնակարգվում է Արաբական Միացյալ Էմիրություններում 33 քաղաքացիների աշխատանքային գործունեության ամսվող մի շարք հարցեր:

Փաստաթուղթը ստորագրել են 33 աշխատանքի եւ սոցիալական հարցերի նախարար Նարեկ Սկրտչյանն ու Արաբական Միացյալ Էմիրությունների մարդկային ռեսուրսների եւ Էմիրաթիզացիայի նախարար Աբդուլմահման Ալ Ավարը: «Հուշագրի շրջանակում 33 կառավարությունը հանձն է առել ապահովել աշխատողների հավաքագրումն ու Արաբական Միացյալ Էմիրություններ մեկնելու նախապատրաստումը, աշխատանքի ընդունման հետ կապված համապատասխան օրենքների, կանոնակարգերի ու ընթացակարգերի վերաբերյալ տեղեկատվության տրամադրումը եւ այլն»,- նշված է հաղորդագրության մեջ: Արաբական Միացյալ Էմիրությունների կառավարությունն իր հերթին պարտավորվել է պաշտպանել ԱՄԷ-ում 33 քաղաքացիություն ունեցող աշխատողների իրավունքները՝ համաձայն երկրում գործող օրենքների: ԱՄԷ կառավարությունը հանձն է նաեւ ապահովել 33 քաղաքացիություն ունեցող աշխատողների՝ Արաբական Միացյալ Էմիրություններ մուտքի ու զբաղվածության համապատասխանեցումը երկրում գործող օրենքներին, ընթացակարգերին եւ կանոնակարգերին: Կողմերի միջև պայմանավորվածություն է ձեռք բերվել երկու երկրների ներկայացուցիչների մասնակցությամբ ստեղծել համակարգող հանձնաժողով, որը 6 ամսվա ընթացքում կապահովի, որ մինչեւ Հայաստանի Հանրապետությանից ԱՄԷ մեկնելը 33 քաղաքացիություն ունեցող աշխատողներն ունենան աշխատանքի առաջարկ, որը պատշաճ կերպով ստորագրված կլինի ինչպես աշխատողի, այնպես էլ գործատուի կողմից: Հուշագրի ուժի մեջ մտնելուց հետո՝ վեց ամսվա ընթացքում, կողմերի իրավասու մարմինները կստորագրեն նաեւ իրականացման ընթացակարգերը:

ՎԵՐԱԲԱՍՏԵԽՈՒՄ

Կառավարությունն իր դեկտեմբերի 15-ի նիստում ընդունել է որոշում, որով առաջարկվում է կատարել վերաբաշխում եւ 93,974.6 հազար դրամ հատկացնել 2020 թ. սեպտեմբերի 27-ին սանձազերծված պատերազմի ընթացքում մարտական գործողությունների մասնակից սովորողների, ինչպես նաեւ պատերազմի ընթացքում մարտական գործողությունների մասնակից անձանց սովորող երեխաների եւ սովորող անհասակների՝ 1 ուսումնական տարվա 1 կիսամյակի ուսման վարձի փոխհատուցմանը: Այդ շահառուների ուսման վարձի փոխհատուցում տրամադրվել է կառավարության մի շարք որոշումներով, որի շրջանակներում ուսման վարձի փոխհատուցում ստացել է բարձրագույն ուսումնական հաստատություններում սովորող 7318 ուսանող, որոնց ուսման վարձի փոխհատուցման գումարի չափը կազմել է 1,595.930.7 հազար դրամ: Ըստ հիմնավորման՝ հավաքագրման աշխատանքները 2022 թ. դեռեւա շարունակվում են, քանի որ կան պատերազմի ընթացքում մարտական գործողությունների մասնակից սովորողներ:

ՆՎԱՃՈՒՄՆԵՐ

ՄԱՐԶԻԿՆԵՐԻ ԴՐԱՄԱԿԱՆ ՄՐՑԱՆԱԿԸ ԿԵՐԿՆԱՊԱՏՏԵՎԻ

Մոդրնային մեծ նվաճումներ ունեցող մարզիկներին եւ նրանց մարզիչներին ողեսության կողմից սրվող միանվագ գումարը կերկնադասկվի:

ԿԳՄՍ նախարարությունից ArmLur.am-ին հայտնեցին, որ որոշումն ընդունվել է Կառավարության դեկտեմբերի 15-ին կայացած նիստում: Հարցը գեկուցել է ՀՀ կրթության, գիտության, մշակույթի եւ սպորտի նորանշանակ նախարար Ժաննա Անդրեասյանը: Մինչ հարցի գեկուցումը ՀՀ վարչապետ Նիկոլ Փաշինյանը շնորհավորել է Ժաննա Անդրեասյանին նախարարի պաշտոնը ստանձնելու կապակցությամբ եւ նրան մաղթել արդյունավետ աշխատանք:

2022 թվականին Եվրոպայի եւ աշխարհի առաջնություններում Հայաստանի Հանրապետությունը ներկայացնող մարզիկները ցուցաբերել են աննախադեպ բարձր արդյունք: Դեկտեմբերի 6-ի դրությամբ մեր մարզիկներն արդեն նվաճել էին 298 մեդալ, որից 103-ը՝ ոսկե, 69-ը՝ արծաթե, 126-ը՝ բրոնզե: Այժմ արդեն մեդալների թիվը հասել է 303-ի սահմանագիծը, որն աննախադեպ ցուցանիշ է, քանի որ մինչ այդ ամենաբարձր ցուցանիշը գրանցվել էր 2019 թվականին՝ 222 մեդալ:

Որոշմամբ նախատեսվում է օլիմպիական, պարաօլիմպիկ, սուլթոլիմպիկ խաղերում, օլիմպիական խաղերի ծրագրում ընդգրկված, ինչպես նաեւ ծրագրում չընդգրկված սամբո ըմբշամարտի, շաշկի, ուշու եւ շախմատ մարզաձեւերի միջազգային առաջնություններում, աշխարհի եւ Եվրոպայի խաղերում 1-3-րդ տեղեր գրաված մարզիկներին, հավաքական թիմերի գլխավոր մարզիչներին, մեդալակիր մարզիկների անձնական մարզիչներին եւ ազգային հավաքական թիմերի երկրորդ մարզիչներին շնորհվող դրամական մրցանակների չափը կրկնապատկել: Որոշումը տարածվում է նաեւ հաշմանդամային սպորտով զբաղվողների վրա:

Աշխարհի առաջնություններում 1-3-րդ տեղեր գրաված մարզիկները կստանան համապատասխանաբար 10 մլն, 7 մլն եւ 4 մլն դրամ մրցանակ՝ մինչ այս տրվող 5 մլն, 3,5 մլն եւ 2 մլն դրամ մրցանակի փոխարեն: Ազգային հավաքական թիմերի գլխավոր մարզիչները եւ մեդալակիր մարզիկների անձնական մարզիչները կստանան համապատասխանաբար 5 մլն, 3,5 մլն եւ 2 մլն դրամ՝ նախկին 2,5 մլն, 1,75 մլն եւ 1 մլն դրամի փոխարեն: Ազգային



հավաքական թիմերի երկրորդ մարզիչները կստանան համապատասխանաբար 2 մլն, 1,4 մլն եւ 800 հազար դրամ:

Եվրոպայի առաջնություններում 1-3-րդ տեղեր գրաված մարզիկները կստանան համապատասխանաբար 6 մլն, 3,6 մլն եւ 2,4 մլն դրամ՝ նախկին 3 մլն, 1,8 մլն եւ 1,2 մլն դրամի փոխարեն: Կավելացվի նաեւ Եվրոպայի առաջնությունների մարզիչների, հավաքական թիմերի երկրորդ մարզիչների եւ մեդալ նվաճած մարզիկների անձնական մարզիչների դրամական մրցանակի չափը:

Վերոնշյալ դրամական մրցանակները ներառում են օրենքով սահմանված հարկերը եւ տուրքերը: Նախարար Ժաննա Անդրեասյանը նշել է, որ բարձր նվաճումներ ունեցող մարզիկների դրամական մրցանակների կրկնապատկման նպատակով ՀՀ ԿԳՄՍՍ 2022 թվականի բյուջեում կատարվել է 557 մլն 630 հազար դրամի վերաբաշխում: Մինչ այդ նույն նպատակի համար նախատեսվել էր մոտ 150 մլն դրամ գումար: Վերաբաշխման արդյունքում ՀՀ մարզական պատիվը բարձր պահած մարզիկների եւ մարզիչների խրախուսման մրցանակային ընդհանուր ֆոն-

ըը կկազմի 707 մլն 630 հազար դրամ: Նախարարը նաեւ տեղեկացրել է, որ ծրագրի շուրջ 170 շահառուի անվանացանկն առաջիկայում կհաստատվի:

Ժաննա Անդրեասյանի տեղեկացմամբ՝ գործադիրը երկ չզեկուցող հարցերի փաթեթում ներառել է նաեւ «Տարվա 10 լավագույն մարզիկներ» մրցույթի պարգևատրման ֆոնդի ավելացման հարցը: Ըստ այդմ տարվա լավագույն մարզիկներին տրվող մրցանակները կավելանան հարկերի չափով՝ յուրաքանչյուրին կտրվի 6 մլն 330 հազար դրամ գումար՝ ներառյալ հարկերն ու տուրքերը, ինչը նշանակում է, որ օրենքով սահմանված պահումներից հետո յուրաքանչյուր մարզիկ կստանա 5 մլն դրամ:

Ամփոփելով հարցը՝ վարչապետը նշել է, որ սպորտի ոլորտում արձանագրված հաջողություններին նպաստել է պետական քաղաքականությունը, որը լինելու է շարունակական: Հայաստանի՝ մինչեւ 2050 թվականի զարգացման տեսլականում ամրագրված է 258 օլիմպիական մեդալ նվաճելու հավակնոտ նպատակը, եւ ձեռնարկվող քայլերը համահունչ են նշված թիրախին:

ԼՈՒՐԵՐ

«ԳՅՈՒՂՈՒՄ ԽՈՒՃԱՊ ԶԿԱ»

«Գյուղում, փառք Աստծո, ամեն ինչ լավ է, կրակոցները մեզ մոտ չեն լսվել»,- Ar2Lur.a2-ի հետ զրույցում ասաց Նորաբակի վարչական ղեկավար Վազգեն Ասատրյանը:

«Գյուղում տրամադրությունները նորմալ են, խուճապ չկա»,- ասաց նա:

Հիշեցնենք, որ դեկտեմբերի 15-ին՝ ժամը 01:10-ի սահմաններում, Ադրբեջանի ՋՈՒ ստորաբաժանումները տարբեր տրամաչափի հրաձգային զինատեսակներից կրակ են բացել Նորաբակի եւ Սրաշենի ուղղությամբ տեղակայված հայկական դիրքերի ուղղությամբ:

Հայկական կողմը կորուստներ չունի: *ԼԻՈՒ ԵՐԿԱԶԱՐՅԱՆ*

ԿԱՐՄԻՐ ԽԱՉԻ ԱՐԶԱԳԱՆՔԸ

Դեկտեմբերի 11-ից քաղաքացիական հազուստով մի խումբ ադրբեջանցիներ, ներկայանալով որպես բնապահպան ակտիվիստներ, շինծու բնապահպանական մտահոգությունների պատրվակով փակել են Արցախը Հայաստանի եւ աշխարհի հետ կապող միակ ճանապարհը՝ Լաչինի միջանցքը:

Այս ընթացքում դատապարտող եւ Ադրբեջանին Լաչինի միջանցքը բացելու կոչեր եւ հայտարարություններ հնչեցին տարբեր երկրների եւ կազմակերպությունների կողմից:

ArmLur.am-ը դիմել է Կարմիր խաչի միջազգային կոմիտեի հայաստանյան գրասենյակ՝ հասկանալու համար, թե ինչ

մարդասիրական քայլեր է իրականացրել կոմիտեն: Ի պատասխան՝ Կարմիր խաչի միջազգային կոմիտեի հայաստանյան գրասենյակի հաղորդակցման եւ կանխարգելման ծրագրերի ղեկավար Զառա Ամատունին ընդգծեց, թե իրենք շարունակում են հետեւել տիրող իրավիճակին:

«Կարմիր խաչի կոմիտեն, գտնվելով Հայաստանում, շարունակում է հետեւել Լաչինի միջանցքում տիրող իրավիճակին եւ մարդասիրական նպատակներով երկխոսություն իրականացնում, սակայն իրավիճակի հետ կապված ցանկացած այլ մեկնաբանություն այս պահին հրաժարվում են տրամադրել»,- նշեց նա:

ՆԱԻՐԱ ՀՈՒՎԱՆՆԻՍՅԱՆ

● Անցած 1 օրվա ընթացքում Հայաստանի Հանրապետությունում արձանագրվել է 17 ճՏՊ. 1 մարդ զոհվել է, 20-ը ստացել է տարբեր աստիճանի մարմնական վնասվածքներ:

ԿԱՐԾԻՔ

ՃԳՆԱԺԱՍ

ՀԱՅՏՆԻՆԵՐԸ՝ «ԼԱԶԻՆԻ ՄԻՋԱՆՑՔԻ» ՄԱՍԻՆ

Ինչդեռ արդեն զիստ, դեկտեմբերի 12-ին ժամը 10:30-ի սահմաններում, ադրբեջանական կողմը, խախտելով 2020 թվականի նոյեմբերի 9-ի եռակողմ համաձայնագրի դրույթները, բնադահողանական դասճառաբանություններով փակել է Արցախի աշխարհին կադրող կյանքի միակ ճանապարհը՝ ոճահարելով ֆադաֆադիական բնակչության կենսական ցանկերն ու իրավունքները: Այս դահին շուրջ 120 հազար բնակիչ փաստացի զսնվում է քրափակման մեջ ադրբեջանցիների կողմից:



Ադրբեջանի կողմից Լաչինի միջանցքի փակման պաճառով քաղաքացիների, տրանսպորտային միջոցների և բեռների երթևեկության արգելափակումը առաջացնում է Արցախի բնակիչների մի շարք հիմնարար իրավունքների խախտումներ, բացի այդ, երեկ երեկոյան Ադրբեջանը խափանել է Նաե Արցախի գազամատակարարումը:

Երգիչ, դերասան, հումորիստ Արամ ՄՔ3-ն «Ինտագրամ»-ի իր էջում գրառում է արել ադրբեջանցիների կողմից Լաչինի միջանցքը փակելու վերաբերյալ: «Ադրբեջանի կառավարությունը եւս մեկ անգամ ցույց է տալիս մարդկության եւ մարդու իրավունքների նկատմամբ իր անարգանքը հայ ժողովրդի հետ հարաբերություններում: Երկու օր առաջ նրանք փակել են Գորիս-Ստեփանակերտ ճանապարհը, ինչպես անցյալ տարի, եւ անջատել գազամատակարարումը բնապահպանական նախաձեռնության պատրվակով՝ անելով հնարավոր ամենը, ինչն անհնար է դարձնում հայերի կյանքն այնտեղ: Ձմռան ամիսներին գազամատակարարման դադարեցումը կարող է աննախադեպ հումանիտար ճգնաժամի պատճառ դառնալ»:

դառնալ», - հրապարակած լուսանկարի կից գրել է նա:

Հիշեցնենք, որ Արցախի Հանրապետության մարդու իրավունքների պաշտպան Գեղամ Ստեփանյանը նախաձեռնել է բողոքի ակցիաներ Հայաստանում հավատարմագրված ՄԱԿ անվտանգության խորհրդի մշտական անդամների դեսպանատների եւ ՀՀ-ում ԵՄ պատվիրակության հայաստանյան գրասենյակների դիմաց:

Դեկտեմբերի 15-ին՝ ժամը 01:10-ի սահմաններում, Ադրբեջանի ՋՈՒ ստորաբաժանումները տարբեր տրամաչափի հրաձգային զինատեսակներից կրակ են բացել Նորաբակի եւ Սրաշենի ուղղությամբ տեղակայված հայկական դիրքերի ուղղությամբ:

ԼԻՊԱ ԵՐԻԱԶՈՐՅԱՆ

«ԱՄԵՐԻԿԱԲԱՆԿ»

Silicon Mountains 2022-ի 4-րդ ԳԱԳԱԹՆԱԺՈՂՈՎԸ

Երեւանում կայացավ Silicon Mountains 2022 միջազգային սեխնոլոգիական 4-րդ զագաթնաժողովը, որը համախմբել էր ֆինանսական ու սեխնոլոգիական ընկերությունների ներկայացուցիչներին եւ այս անգամ նվիրված էր սննտության արբեր ճյուղերում խելացի լուծումների կիրառմանը:

Միջոցառման գործընկեր «Ամերիաբանկ»-ի գլխավոր տնօրեն Արտակ Հաւնայանը «խելացի բանկային համակարգ» խորագրով քննարկման անդրադարձավ Նաե «Ամերիաբանկ»-ի թվային փոխակերպման ուղուն, որը սկսվել է դեռ 2018թ.-ից. «Սա երկար ճանապարհ է, որն ունի սկիզբ, բայց չունի վերջ: Այն ունի մշտական ընթացք, որի պարագայում, տարբեր իրավիճակային փոփոխություններից ելնելով, կազմակերպությունները նույնպես փոփոխվում են», - նշեց նա՝ հավելելով, որ Նաե այդ փոփոխությունների շնորհիվ է, որ այս տարի «Ամերիաբանկ»-ը միանգամից երեք հեղինակավոր պարբերականների՝ Global Finance-ի, Euromoney -ի եւ Financial Times -ի The Banker -ի կողմից ճանաչվել է տարվա լավագույն բանկը Հայաստանում:

Նարկունների արդյունքում ձեւավորված տեսակետը փաթեթային առաջարկի տեսքով ներկայացվելու է ՀՀ կառավարությանը, մասնավոր հատվածին եւ բոլոր շահագրգիռ կողմերին:

«Ամերիաբանկ» ՓԲԸ «Ամերիաբանկ» ՓԲԸ-ն առաջատար ֆինանսական -տեխնոլոգիական հաստատություն է եւ ՀՀ տնտեսական ոլորտի առավել նշանակալի դերակատարներից մեկը, որի ակտիվները գերազանցում են 1 տրիլիոն ՀՀ դրամը: «Ամերիաբանկ»-ը ներկայանում է Նորարար ու թվային միջավայրով՝ էկոհամակարգով, որը մեկտեղում է ֆինանսական եւ ոչ ֆինանսական ծառայությունները եւ հնարավորություն ընձեռնում բոլոր հիմնական ուղղություններով ստանալ հարմարավետ եւ հնարավորինս արագ ֆինանսավորում: Հաշվի բացումից մինչեւ քարտի տրամադրման եւ ֆինանսավորման համար դիմելու ամբողջ ուղին այժմ հնարավոր է անցնել էլեկտրոնային առցանց միջավայրում:

«Ամերիաբանկ»-ն առաջնորդվում է հաճախորդամետ եւ բիզնեսի պատասխանատու վարման քաղաքականությամբ՝ թվային, ժամանակակից ու անվտանգ միջավայրում ապահովելով սպասարկման բարձր որակ:

ԼՈՒՐԵՐ

ԵՐԿՐՈՐԴ ԵԹԵՐԱՇՐՋԱՆ

«Մատանիների տիրակալը. ուժի մատանիները» սերիալի երկրորդ եթերաշրջանը կդեկավարի կանանցից կազմված ռեժիսորների թիմը:

Ութ դրվագից բաղկացած եթեաշրջանի ռեժիսորական թիմում կաշխատեն Շառլոտա Բրանդսթրոմը, Սանա Համրին եւ Լուիզ Հուպերը: Լրատվականի տվյալներով՝ Բրանդսթրոմը ներգրավված է եղել Նաե առաջին եթերաշրջանի աշխատանքներին, իսկ երկրորդ եթերաշրջանում Նա կնկարահանի 4 դրվագ, իսկ գործընկերները կաշխատեն երկուական դրվագի ստեղծման համար:

«Մատանիների տիրակալը. ուժի մատանիները» նախագծում գործողությունները տեղի են ունենում «Հոբբի»-ի եւ «Մատանիների տիրակալ»-ի իրադարձություններից մի քանի հազար տարի առաջ:

ՄՊԱՌՈՂԱԿԱՆ ՎԱՐԿԵՐԸ՝ ՎՏԲ-ՈՒՄ

«ՎՏԲ-Հայաստան» բանկը պարզեցրել է սպառողական վարկերի տրամադրումը:

«ՎՏԲ-Հայաստան» բանկի հաճախորդները կարող են ստանալ սպառողական վարկ՝ առանց եկամուտների եւ գբաղվածության հաստատման՝ իրենց գործող դրական վարկային պատմության հիման վրա: Վարկը ձեւակերպելու համար անհրաժեշտ են միայն անձնագիր եւ սոցիալական քարտ: Պարզեցված գործընթացով վարկը հասանելի է 19.5%-ից 20.2% տարեկան տոկոսադրույքով (փաստացի տոկոսադրույք՝ 22.5%-24%): Վարկի նվազագույն գումարը 100 հազար ՀՀ դրամ է, ժամկետը՝ 24-ից 60 ամիս: «Սպառողական վարկերը շարունակում են մնալ ամենապահանջված պրոդուկտներից մեկը մեր հաճախորդների համար, եւ չորրորդ եռամսյակում մենք նկատում ենք վերջիններիս նկատմամբ պահանջարկի աճ: Դեկտեմբերի առաջին շաբաթում, Նոյեմբերի Նույն ժամանակահատվածի համեմատ, գործարքների ծավալն աճել է 3 անգամ: Ակնկալում ենք, որ վարկերի տրամադրման պարզեցումը լրացուցիչ աջակցություն կլինի մեր վարկառուներին ամանորյա տոների նախօրեին իրենց ֆինանսական խնդիրները լուծելու հարցում: Միեւնույն ժամանակ մենք շարունակում ենք հետեւողական լինել հաճախորդների վարկային գերծանաբեռնվածությունը կանխելուն, որի շրջանակում Նաե պահանջում ենք հաճախորդների շարունակական դրական վարկային պատմության հաստատում», - նշել է «ՎՏԲ-Հայաստան» բանկի գլխավոր տնօրենի - տնօրինության նախագահի տեղակալի Ժ/Կ Տարաս Կլադչենկոն: Սպառողական վարկ ստանալու համար հաճախորդները կարող են դիմել «ՎՏԲ-Հայաստան» բանկի ցանկացած մասնաճյուղ: Վարկային միջոցները տրամադրվում են հաճախորդի հաշվին: Վարկի վերաբերյալ մանրամասն տեղեկատվություն կարելի է ստանալ բանկի պաշտոնական կայքում կամ գանգահարելով Կոնտակտային կենտրոն 87-87 հեռախոսահամարով: Բանկը վերահսկվում է ՀՀ ԿԲ կողմից:

● Դեկտեմբերի 17-ին «Բոհեմ» թատրոնում տեղի կունենա «Էվոլյուցիա» հումորային ներկայացումը: Տոմսերի արժեքը՝ 3000-6000 դրամ: Սկիզբը՝ ժամը 19:30-ին:



Էջը՝ ՈՂՋԱ ՊՈՂՈՍՅԱՆԻ

ՍՈՑԻԱԼԱԿԱՆ

ՀԱՐՑ. Ինչքա՞ն է լրացուցիչ եւ հասուկ ընդմիջումների սեռողությունը:
Ռոմելյա Սարգսյան (39 տարեկան)



ՊԱՏԱՍԽԱՆ. Հաշվի առնելով աշխատանքի պայմանները՝ աշխատանքային օրվա ընթացքում աշխատողներին կարող է տրամադրվել հանգստի համար լրացուցիչ ընդմիջում: Մինչեւ տասնութ տարեկան աշխատողներին, որոնց աշխատաժամանակի տեւողությունը գերազանցում է 4 ժամը, աշխատաժամանակի ընթացքում պետք է տրվի հանգստի համար լրացուցիչ ընդմիջում՝ նվազագույնը 30 րոպե: Հատուկ ընդմիջումներ պետք է տրամադրվեն, եթե աշխատանքը կատարվում է պլուս 40 աստիճան ցելսիուսից բարձր կամ մինուս 10 աստիճան ցելսիուսից ցածր օդի ջերմաստիճանային պայմաններում, ինչպես նաեւ ծանր ֆիզիկական կամ մտավոր եւ հուզական գերլարված բնույթ կրող կամ առողջության համար բացասական ներգործություն ունեցող վտանգավոր այլ պայմաններում:

ՀՀ աշխատանքի եւ սոցիալական հարցերի նախարարություն

«ԺՈՂՈՎՈՒՐԳ». Լրացուցիչ եւ հատուկ ընդմիջումները ներառվում են աշխատաժամանակում, իսկ դրանց տրամադրման կարգը սահմանվում է ներքին կարգապահական կանոններով, աշխատանքի ժամանակացույցով, կոլեկտիվ կամ աշխատանքային պայմանագրերով: Լրացուցիչ եւ հատուկ ընդմիջումների քանակը, տեւողությունը եւ հանգստանալու տեղը նախատեսվում են կոլեկտիվ կամ աշխատանքային պայմանագրերով:

ԻՐԱՎՈՒՆՔ

ՀԱՐՑ. Ինչպե՞ս է կազմակերպվում առանց ծնողական խնամքի մնացած երեխաների համար ալիմենսի բռնագանձումը եւ օգտագործումը:
Լիդա Լալայան (41 տարեկան)



ՊԱՏԱՍԽԱՆ. Առանց ծնողական խնամքի մնացած երեխաների համար ալիմենտը բռնագանձվում է սույն օրենսգրքի 69-71-րդ հոդվածներին համապատասխան եւ վճարվում է երեխաների խնամակալին (հոգաբարձուին): Առանց ծնողական խնամքի մնացած եւ դաստիարակչական, բժշկական, բնակչության սոցիալական պաշտպանության կամ նմանատիպ այլ կազմակերպություններում գտնվող երեխաների համար ծնողներից բռնագանձվող ալիմենտները փոխանցվում են այդ կազմակերպությունների հաշվին, որտեղ դրանք հաշվառվում են յուրաքանչյուր երեխայի համար առանձին:

ՀՀ աշխատանքի եւ սոցիալական հարցերի նախարարություն

«ԺՈՂՈՎՈՒՐԳ». Նշված կազմակերպությունները կարող են այդ գումարները պահել բանկում: Ալիմենտի գումարի շրջանառությունից ստացված եկամտի հիսուն տոկոսը օգտագործվում է նշված կազմակերպություններում երեխաներին պահելու համար: Կազմակերպությունը, երբ երեխան թողնում է այն, նրա անունով ստացված ալիմենտի գումարը եւ այդ գումարի շրջանառությունից ստացված եկամտի հիսուն տոկոսը փոխանցում է երեխայի անվամբ բացված բանկային հաշվին:

ԼՈՒՐ ԿԱԴՐ

Լուսանկարը՝ համացանցից



Հայաստանի ծանրամարտի կանանց հավաքականի անդամ Հռիփսիմե Խուրշուդյանը աշխարհի առաջնությունում 4-րդն է: Կոլումբիայի մայրաքաղաք Բոգոտայում ընթացող աշխարհի առաջնության կանանց 87 կգ քաշային կարգում Խուրշուդյանը պոկեց 108 կգ եւ հրեց 130 կգ: Երկամարտի 238 արդյունքով Խուրշուդյանը գրավեց 4-րդ տեղը:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ **ԱՆՎՃԱՐ**:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.



*«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը.
«Շարունակությունը կարող էք կարդալ «Ժողովուրդ» օրաթերթի այսօրվա համարում»:*

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 15.12.2022
Պատկերը/Պատկերակազմը հարմար է համարում 2021

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: